

ինքն Ապու Տահապ ըստ ասելոյ ոմանց՝ զինի 10 աւուրց ստտակի անդ ՚ի Յոսպէ : Եւ ՚ի ձեռագիրս ինչ ասի թէ՛ զօրքն եգիպտացւոց զՅոսպէ և զԹեմիէ աւարեցին՝ զ6 միաբան և զ6 ուխտաւորս արտաքոյ Յոսպէյու գտեալ նահատակեցին :

Պօզոս եպիսկոպոս չհանդուրժեալ վշտաց և դառնութեանց ժամանակին հանդեաւ ՚ի Քրիստոս , որպէս գրի ՚ի տապանաքարի իւրում , խուն ինչ ցաօք խիթացեալ ( 1775 ՚ի 18 Մայիս ) , և թաղեցաւ ՚ի նմին աւուր ՚ի վանս Ս . Փրկչի :

Միաբունք վանայ Ս . Յակոբայ գրեալ ծանուցին ՚ի Կոստանդինուպօլիս զմահ Պօզոս Պատրիարքի առ Զաքարիայ Պատրիարք և առ զլիսաւորս ազգին , եւ առ փոխանորդն երուսաղէմի Յովակիմ եպիսկոպոս՝ յանձն առնելով ՚ի կամս նոցա զընտրութիւն նորոյ Պատրիարքի : Եւ ՚ի լինել ազգային ժողովոյ ընտրեցաւ Պատրիարք Աթուռոյն նա ինքն Յովակիմ եպիսկոպոս Քանաքեռցի թեւարկութեամբ Զաքարիայ Պատրիարքի Կաղզվանցւոյ 1775 , յամսեանն Օգոստոսի , և հաստատեցաւ իշխանութիւն նորա Կայսերական հրովարտակաւ 1118 : Յետ այնորիկ Յովակիմ եպիսկոպոս կարգեաց անդ ՚ի տեղի իւր փոխանորդ երուսաղէմի զՍարգիս անուն ոմն յանձանձեւ զամենայն գործս Աթուռոյն , որ և կատարեաց նա զայն պաշտօն ժրաջան աշխատութեամբ մինչեւ ցաւուրս Պետրոս Պատրիարքի : Ապա ՚ի կարգի եղեալ զգործս իւր ել Յովակիմ ՚ի կայսերանիստ քաղաքէ անտի և եկն յերուսաղէմ , եւ միաբանք սիրով և ուրախութեամբ ընկալեալ զայն նստուցին յԱթուռ Պատրիարքութեան ՚ի 5 Հոկտեմբերի . ապա գրեցին պատասխանի գրոց ազգային երեւելեաց եւ առ Պատրիարքն յայտ առնելով ՚ի նմին զգոհունակութիւնս իւրեանց , եւ ըստ պատուիրելոյ նոցին խոստացան հնազանդիլ Յովակիմայ իբրեւ զլիսոյ իւրեանց , և անտրտունջ աշխատիլ յամենայն գործս ՚ի պայծառութիւն Աթուռոյն . յայս գիր ձեռնարկեալ կնքեցին բոլոր միաբանք ( 1775 . ՚ի 24 Նոյեմբերի ) :

Իսկ և իսկ յառաջին ամի Պատրիարքութեան Յովակիմայ յարեաւ վէճ անդարմանելի . քանզի Լատին կղերք